



“I te cherdì con to ennom” dij le Signur.

La ploania d’La Pli tol sò con ligreza te sòa comunité **Emma Ellecosta** (Longega) y ti fej les miús aodanzas ai geniturs Andrea y Milena: Idio, la Oma dal Ci y la Santa Patrona acompagneii Osta mòta con sòa benedisciun y proteziun.



Le Signur é mia lóm y mia salveza. (Salm 17)

La ploania d’La Pli á tut comié da **Paola Pedevilla Maneschg** (+ 16.05.2019, 78 agn) y ti fej les condolianzes ai familiars por la mort dla fomena, mama, la y so. La vita eterna dáì, Signur, y confortela con to lominus, ara palsi tla pêsc!

1 enformaziuns y termins

KVW Senioreclub: en jöbia ai 23 de ma peiun ia ales 8:00 da doman cole bus dal Cone demez, por jí a Cembra. Al é da se prenoté pa Lidia, ☎ 339 7899107.

Ocio - E-Werk d’Al Plan: l’E-Werk lascia alessei a dōta la popolaziun, che ai 22 de ma dales 3 da doman cina misdè pól ester che al stáì fora plü gonot le strom, por gauja de proes techniches. Al sará deplü interuziuns.

Comun de Mareo/1: al ven lascé alessei che a gauja dal maltomp de otober 2018 él ciamo romagnü lignan tomé da lauré sò tla fraziun da Pliscia (parzela sora les viles da Ciaseles). Chi co foss enteressés é periés da dé jö na oferta scritta te Comun anter i 31 de ma.

Comun de Mareo/2: al ven lascé alessei che la strada Plan da l’Ega romagn slüta fina ai 31 de ma.

Döt le bun a:	Judita Burchia Kofler, <i>Schenna</i>	* 19.05.1938
	Veronica Willeit ved. Steiner, <i>Braies</i>	* 20.05.1937
	Oliva Feichter Bridi	* 21.05.1921
	Giuliana Ellemunter ved. Maffei, <i>Savignano</i>	* 22.05.1936
	Anna Erardi, <i>Pietra Ligure</i>	* 23.05.1925
	Anna Daverda Rindler	* 23.05.1932
	Rita Trebo Becker, <i>Birgitts</i>	* 24.05.1930
	Jan Rindler	* 24.05.1932
	Albert Willeit, <i>Al Plan</i>	* 25.05.1939
	y a düc chi co á santennom y complesc i agn cöst’edema	

Impressum: Ploania d’La Pli; redaziun Franz Rigo y Edith Willeit
Comunicaziuns cina le dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania
La Pli de Mareo
 Santa Maria dal Bun Consei

Ploan: Signor Heinrich Perathoner
 E-mail: ploania@gmx.net

Calogna Al Plan: 0474 501006
 Radio de Ploania: 93,00 MhZ



VAL BADIA
 www.unitepastorala.org

**I ves dá n comandamont nò:
 Desche iu ves á orü bun, ensciö desses ince os
 s’orei bun önn al ater. Alleluia!**

☞ St.Ap 14, 21b–27 | Rev 21, 1–5a | Jan 13, 31–33a.34–35


Dal Vangelo do San Jan:

Te chel tomp ³¹canche lüda s’an ea jü fora, á Gejú dit: Sen é le Fi dal Om glorifiché, y Idio é glorifiché te el. ³²Sce Idio é glorifiché te el, sarál ince Idio co le glorificará te se enstes y al le glorificará defata. ^{33a}Mi mituns, i sun ma plü püch tomp pa os. ³⁴N comandamont nò ves dáì: Oresse bun önn al ater! Desche iu ves á orü bun, ensciö desses ince os s’orei bun. ³⁵A cösc conesciará düc ch’i seis mi discepuì: sc’i s’oreis bun önn al ater.

Oraziun dal de

*Dio, nosc Pere, te nes as salvé por opra de to Fi y te nes as tut sò desco tū fis bunorüs: ciara plen de bunté sön düc chi co crei te Crist y scinchi la derta liberté y la vita eterna.
 Do cösc te periunse por nosc Signur Gejú Crist, to Fi, co é Dio y vir y regneia con te tl’unité dal Spirit Sant por düc i secui dai secui. – Amen.*

(Lezionar C)



☞ Letöres dla Sesta domegna de Pasca:

St.Ap 15, 1–2.22–29 | Rev 21, 10–14.22–23 | Jan 14, 23–29

Edema liturgica dai 19.05. ai 26.05.2019

DOM 19.	Cuinta domegna de Pasca <i>Ivo, Zelestin V., Cuno</i>
08:30	gran messa por dōta la ploania <i>oferta por i debojūgns dla ploania</i>
→	2^a s.m. de sopoltōra por la † Paola Pedevilla Maneschg y corona dla comunité
14:00	a Longega funziun dal Bato de Emma Ellecosta
10:00	<i>s.m. a Al Plan</i>
Lön 20.	<i>Bernardin da Siena, Elfriede, Valeria, beata Josepha</i>
→ 19:30	funziun de ma con i neocomunichés por ringrazié dal Sacramont dla Prōma Santa Comegnun
Ded 21.	<i>Hermann Josef, Christophorus Magallanes y compagns</i>
07:30	s.m. por †† prei signor Alfons Frontull y signor Franz Kehrer y en onú de Sant'Ujöp da Oies
Dem 22.	<i>Rita da Cascia, Renata, Julia</i>
→	de d'oraziun te familia
Jöb 23.	<i>de mondial d'oraziun por la dljija tla Cina Berto, Desider</i>
19:30	3^a s.m. de sopoltōra por la † Paola Pedevilla Maneschg s.m. por † Maria Pedevilla ved. Morlang, Parü s.m. de rengraziamont dla fam. Lois y Hannelore Pedevilla
Ven 24.	<i>Ester, Dagmar</i>
→ 19:30	oraziun da Taizé (te dljija)
Sab 25.	<i>Beda, Gregor VII., Maria Magdalena da Pazzi</i>
→ 06:30 ca.	rōa adalerch la prozesciun da Valsperch, s.m. do intenziun
DOM 26.	Sesta domegna de Pasca <i>Filip Neri, Maria Anna</i> FESTA DLA CONERMAZIUN
→ 08:00	gran messa por dōta la ploania <i>oferta por i debojūgns dla ploania</i>
→ 09:30	a Al Plan, salūde y ingres dal Hotel "Sole" demez te dljija gran messa en onú dal Spirit Sant por crejimandi, toc y families y aministraziun dal Sacramont dla Confermaziun con sig. Markus Moling
<i>ampola:</i>	por nüsc crejimanc
<i>ministronc:</i>	▶ da doman y domegna: Moses Xavier y Rosina ▶ da sera y domegna: Pire y Jan
<i>i recordun:</i>	Elena Rigo + 24.05.2014



Cherta d'identitè: s'orei bun önn al ater! (Jan 13, 31–33a.34–35)

I ponsi do

Por Gejú él emportant che le monn conesci sū discepu y che i discepu se dá da conesce: dé testimonianza dal Vangelo co é fat por gní encündé y conesciü da düc. Al n'é nia n segno miú y plü credibl co s'orei bun: n amur concret, davert a düc, co é bun da pordené. Cōsta é la plü bela cherta d'identitè dal cristian y dla Dljija.


I preii ensciö

Nia n consei mo le tó, nia na racomandaziun mo la tōa, Signur; al é n comandamont co slüj ete y i dá valüta ala vita de vignönn: Orésse bun önn al ater! Nia parores o de bi scric, nia proponimonc o de bones intenziuns, gnanca le retlam plü garaté podará ti dí al monn che nos sun tü discepu; ma l'amur che nos mostrun por i atri. Gnanca sc'i jésson vignedé te dljija y sc'i session adamonz la Sacra Scritōra, gnanca sc'i fajesson mirachi désson derta testimonianza da ester cristiagn: ma con l'amur y le sorvisc önn por l'ater. Tō os discepu da n gran cōr y con mans davertes, amisc co deida i fredesc, ei y eres co é bogn da amé y da daidé önn l'ater.

Walter Cazzaniga, Parola amica – Il Vangelo della domenica per ragazzi



Le Sacramont dla confermaziun



*Das Ja der Taufe,
das Ja deiner Eltern –
machst du zu deinem Ja!*

Cari crejimanc,

pla Confermaziun dijareise os de sciö! I respogneis con osc „poa!“ a ci ch'i eis aldí y capí de Gejú Crist, a ci che d'atri ves á cunté de Chelbeldio, dla Fede cristiana y dla Dljija.

I dijeis de sciö! (“Ja!”) Con osc „poa!“ confermeise le „poa!“ co é gnü dit por os da üsc geniturs y da üsc toc canche i ése ciamó picí, en chel de che ai s'á lascé bacé. I dijeis de sciö a nosta Fede, co é fondamonta por vigne situaziun de vita.

Con osc “poa!” ne seise nia susc. Dan da os á belo trec dit de sciö ala Fede te Gejú Crist. I se tacheis ete te na morona lungia de porsones, co á motü man dan da 2.000 agn te Israel y co ne s'é cina aldédancö nia ciamó spacada.

Sen portaise os enstesc la responsabilité da vire osta fede. Sen messeise os enstesc ponsé do ci che la Fede val por os, sce y cō ch'i oreis vire empara.

do image